



Na osnovu člana 2.9 stav (1) tačka 1) i 11) i člana 6.7 stav (1) Izbornog zakona Bosne i Hercegovine („Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 64. stav (2) i (3) Pravilnika o provođenju izbora u Bosni i Hercegovini („Službeni glasnik BiH“ broj: 31/24 i 43/24) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 32/23, Prečišćeni tekst), Centralna izborna komisija Bosne i Hercegovine je na 80. sjednici, održanoj 08.10.2024. godine, donijela

N A R E D B U o otvaranju vreća s glasačkim listićima

- (1) Nalaže se izbornim komisijama otvaranje vreća s glasačkim materijalom i brojanje glasačkih listića u cilju pravilnog objedinjavanja utvrđenih izbornih rezultata u osnovnim izbornim jedinicama i na biračkim mjestima na kojima birački odbor nije pravilno utvrdio rezultate glasanja, a koja su navedena u Izvještaju glavne kontrole i prema tabeli koja je sastavni dio ove Naredbe.
- (2) Izborna komisija odmah po prijemu ove Naredbe imenuje tim za otvaranje vreća i brojanje glasačkih listića koji će vršiti brojanje glasačkih listića u cilju pravilnog objedinjavanja utvrđenih izbornih rezultata, pisanim putem obavještava akreditirane posmatračke koji imaju pravo posmatrati rad izborne komisije i tima za otvaranje vreća i brojanje glasačkih listića, o mjestu i vremenu navedenog brojanja glasačkih listića, nakon čega organizira otvaranje vreća i brojanje glasačkih listića.
- (3) Ova Naredba stupa na snagu danom donošenja i objavljuje se na internet-stranici Centralne izborne komisije Bosne i Hercegovine www.izbori.ba.

O b r a z l o ž e n j e

Na osnovu izvještaja Glavnog kontrolora za obradu, unos i potvrdu rezultata glasanja za Lokalne izbore 2024. godine, i prijedloga Glavnog kontrolora, Centralna izborna komisija BiH je ocijenila da postoje činjenice koje opravdavaju otvaranje vreća s glasačkim materijalom i brojanje glasačkih listića u osnovnim izbornim jedinicama i na biračkim mjestima navedenim u Izvještaju Glavnog kontrolora čime su ispunjeni uvjeti za primjenu člana 64 stav (2) i (3) Pravilnika o provođenju izbora.

Pravilnikom o provođenju izbora u BiH, propisana su pravila o objedinjavanju izbornih rezultata, a članom 64. stav (2) i (3) propisano je da kontrolor izbornih rezultata izborne komisije vrši rješavanje svih validacionih grešaka na tim biračkim mjestima, najkasnije 36 sati od zatvaranja biračkih mjesta, a da Centralna izborna komisija BiH izdaje naredbu izornoj komisiji o otvaranju vreća s glasačkim materijalom i brojanje glasačkih listića u cilju pravilnog objedinjavanja utvrđenih izbornih rezultata na biračkim mjestima na kojima birački odbor nije pravilno utvrdio izborne rezultate.

Shodno navedenom, Centralna izborna komisija BiH je u smislu člana 2.9 stav (1) tačka 1) i 9) i člana 6.7 Izbornog zakona Bosne i Hercegovine, odlučila kao u dispozitivu ove Naredbe.

Pouka o pravnom lijeku: Protiv ove Naredbe nije dozvoljena posebna žalba.

Broj: 05-1-07-2-3168-1/24
Sarajevo, 08.10.2024. godine

Dostavljeno:
- Izbornim komisijama
-a/a

